

ქ. თბილისი

შემსყიდველი - საქართველოს თავდაცვის სამინისტრო, წარმოდგენილი სახელმწიფო შესყიდვების დეპარტამენტის უფროსის მოვალეობის შემსრულებლის ლაშა ფაიქიძის სახით.

მისამართი: 0112, ქ. თბილისი, გენერალ გ. კვინიტაძის ქ. N20.

სკ. 204900483.

საბანკო რეკვიზიტები: ანგ. N200122900 სახელმწიფო ხაზინა, საქართველოს თავდაცვის სამინისტრო, კოდი TRESGE22

მიმწოდებელი - შპს "ჯენტო ტრედიინგი" წარმოდგენილი დირექტორის ვასილ გვარამეს სახით.

მისამართი: ქ. თბილისი, ბოხუას ქ. #4

ს.კ. 402019551

ტელეფონი: +995 595532023

ელ. ფოსტა: geotrd@gmail.com

საბანკო რეკვიზიტები: ანგარიშის ნომერი: GE31TB7982036080100003, სს „თბილისი ბანკი“, ბანკის კოდი: TBCBGE22.

იმის გათვალისწინებით, რომ შემსყიდველმა ჩაატარა ელექტრონული ტენდერი (კოდი 29 09 01) **NAT190019850**, ზეთი ტსზპ-8 -ის (CPV- 09200000) სახელმწიფო შესყიდვაზე, რომელშიც გამარჯვებულად მიჩნეული იქნა მიმწოდებლის სატენდერო წინადადება, მხარეები შევთანხმდით შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1 „ხელშეკრულება სახელმწიფო შესყიდვების შესახებ“ (შემდგომ „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით, ასევე სატენდერო დოკუმენტაციითა და მთელი დოკუმენტაციით, რომელზეც ხელშეკრულებაში არის მინიშნებები;

1.2 „დღე“, „კვირა“, „თვე“ – კალენდარული დღეს, კვირას, თვეს.

1.3 სამუშაო დღე ნიშნავს კალენდარულ დღეს შაბათის, კვირისა და საქართველოს კანონმდებლობით განსაზღვრული უქმე დღეების გარდა.

2. ხელშეკრულების საგანი

2.1 ხელშეკრულების საგანს წარმოადგენს საქართველოს თავდაცვის სამინისტროს 2019 წლის სახელმწიფო ბიუჯეტის დაფინანსების ფარგლებში ზეთი ტსზპ-8 -ის შესყიდვა დანართი N1-ის შესაბამისად (შემდგომში - „საქონელი“).

3. ხელშეკრულების ღირებულება

3.1 ხელშეკრულების ჯამური ღირებულება შეადგენს 8071 (რვაათას სამოცდათერთმეტი) ლარს და 20 თეთრს (დღგ-ს ჩათვლით) და მოიცავს მიმწოდებლის ყველა ხარჯს, დაკავშირებულს საქონლის მიწოდებასთან, ტრანსპორტირებასთან და შემსყიდველისათვის საკუთრებაში გადაცემასთან, მათ შორის, კანონმდებლობით დადგენილ ყველა გადასახადს, მოსაკრებელსა და სახდელს.

3.2 საქონლის ერთეულის ფასი და რაოდენობა განისაზღვრება ხელშეკრულების დანართ(ებ)ით.

4. ანგარიშსწორება

4.1. შემსყიდველი იღებს ვალდებულებას, გადაუხადოს მიმწოდებელს მიწოდებული საქონლის ღირებულება ამ საქონლის მიღება-ჩაბარების აქტის ხელმოწერიდან 15 სამუშაო დღის ვადაში, ამ ხელშეკრულებით გათვალისწინებული დოკუმენტაციის საფუძველზე.

4.2. ანგარიშსწორების ვალუტა: ლარი.

4.3. ანგარიშსწორების ფორმა: უნაღდო.

4.4 შემსყიდველი განახორციელებს წინასწარ ანგარიშსწორებას (ავანსი), მიმწოდებლის მიერ მოთხოვნილი თანხის შესაბამისი ოდენობის საბანკო გარანტიის წარმოდგენის საფუძველზე, არაუმეტეს ხელშეკრულების ჯამური ღირებულების 100%-სა.

4.5 მიმწოდებლის მიერ წარმოდგენილი საბანკო გარანტია უნდა შეესაბამებოდეს შემსყიდველის მოთხოვნებს და მისი მოქმედების ვადა ხელშეკრულების მოქმედების ვადას არანაკლებ 30 დღით უნდა აღემატებოდეს.

4.6 თუ გარანტიით უზრუნველყოფილი ვალდებულება გარანტიის ვადის ამოწურვამდე შესრულდა, გარანტიის (მათ შორის შესრულებული ვალდებულების ნაწილში) მოქმედების ვადა შესაძლებელია ვადამდე შეწყდეს ან შემცირდეს, შემსყიდველის მიერ მიმწოდებლის ვალდებულების შესრულების დადასტურების შემთხვევაში;

4.7 (ავანსად) გადარიცხული თანხის დაქვითვა მოხდება ეტაპობრივად, კერძოდ, მიმწოდებელს მიწოდებული საქონლის ღირებულებიდან დაუკავდება თანხის ის პროცენტული ოდენობა, რამდენი პროცენტიც აქვს მიღებული ავანსად ხელშეკრულების ღირებულების ჯამური ოდენობიდან;

4.8 იმ შემთხვევაში თუ ხელშეკრულების გაფორმებისას საქონლის მიწოდების ბოლო ვადა გადაცდება 2019 წლის 1

დეკემბერს პრეტენდენტმა საქართველოს თავდაცვის სამინისტროში უნდა წარმოადგინოს საბანკო გარანტია მიუწოდებელი საქონლის 100% -ს ოდენობით, რის შესაბამისადაც მოხდება წინასწარი ანგარიშსწორება.

5. სტანდარტები

5.1 ხელშეკრულების ფარგლებში მიწოდებული საქონელი უნდა შეესაბამებოდეს ტექნიკურ დოკუმენტაციაში მითითებულ სტანდარტებს.

6. საპატენტო უფლებები

6.1 საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო ნიშანი ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

7. ხელშეკრულების შესრულების კონტროლი

7.1 ხელშეკრულების შესრულების კონტროლს განხორციელებს:

7.1.1 საქართველოს თავდაცვის სამინისტროს თავდაცვის ძალების ჯარების ლოჯისტიკური უზრუნველყოფის სარდლის მიერ გამოყოფილი პირ(ებ)ი_ შესრულების ვადების, მიწოდების ადგილის, მიღება-ჩაბარების, საქონლის ვიზუალური დათვალიერების, რაოდენობის (მოცულობის) და საგარანტიო მომსახურების პირობების კონტროლის საკითხებზე;

7.1.2. საქართველოს თავდაცვის სამინისტროს ფინანსების მართვის დეპარტამენტის უფროსის მიერ გამოყოფილი პირ(ებ)ი – ხელშეკრულების პირობებთან ხარისხობრივი შესაბამისობის განსაზღვრის კონტროლის საკითხებზე.

7.2 კონტროლი განხორციელდება შემდეგი ფორმებით:

7.2.1 ხელშეკრულების პირობებთან მიწოდებული საქონლის ხარისხისა და რაოდენობის (მოცულობის) შესაბამისობის შემოწმება ვიზუალური (მათ შორის სპეციალისტის მიერ დათვალიერება), აზომვითი, ტექნიკური ან/და დოკუმენტური მეთოდით;

7.2.2 საქონლის მიწოდების შეთანხმებული ვადების და რაოდენობის (მოცულობის) დაცვის მონიტორინგი;

7.3 კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

7.4 კონტროლის განხორციელების ადგილია: საქონლის მიწოდების ადგილი და სხვა ნებისმიერი ადგილი შემსყიდველის არჩევანის მიხედვით.

7.5 კონტროლის განხორციელებისას მიმწოდებელი ვალდებულია შეასრულოს „ელექტრონული ტენდერის ჩატარების წესის“ 37-ე მუხლით განსაზღვრული მოთხოვნები.

8. საქონლის მიწოდების პირობები

8.1 მოწოდება უნდა განხორციელდეს ხელშეკრულების ძალაში შესვლისთანავე 45 (ორმოცდახუთი) კალენდარული დღის განმავლობაში.

8.2 მიწოდების ადგილი: ქ. თბილისი, შემსყიდველის მიერ მითითებულ მისამართზე.

8.3 მოწოდებულ ყოველ პარტიაზე (პარტიების მიხედვით) მომწოდებლის მიერ წარმოდგენილი უნდა იქნეს პროდუქციაზე სათანადო დოკუმენტაცია: მათ შორის პროდუქციის აღწერილობა, ასევე წარმოდგენილი უნდა იქნეს პროდუქციის ორიგინალი ხარისხის სერტიფიკატი, სადაც სერტიფიკატის ტექნიკურ მონაცემებში აღნიშნული იქნება განსაზღვრული მაჩვენებლების დასაშვები მინიმუმი-მაქსიმუმი. აღნიშნული დოკუმენტაცია უნდა იყოს ნათარგმნი ქართულ ენაზე, ნოტარიულად დამოწმებული.

8.4 ზეთების შეფუთვის (ჭურჭლების) ზომების ნაირსახეობის გათვალისწინებით, საერთო რაოდენობები დამრგვალდება კილოგრამებამდე ნაკლებობისკენ (ასეთის საჭიროების შემთხვევაში).

8.5 მოწოდებული პროდუქცია უნდა იყოს ახალი მეტალის ან პლასტმასის ჭურჭელში (გარდა საავიაციო პროდუქციისა, საავიაციო პროდუქცია მოწოდებულ უნდა იქნეს ახალი მეტალის ჭურჭელით) ქარხნული წესით დამზადებული. ნავთობპროდუქტების თითოეულ ერთეულ სატრანსპორტო ტარაზე ტრაფარეტით, ეტიკეტებით ან შტამპით(რომელიც არ ჩამოირეცხება წყლით და ნავთობპროდუქტებით) დატანილი უნდა იყოს წარწერა, რომელიც შეიცავს:

1. ნავთობპროდუქტების დასახელებას, მარკას;
2. მეწარმე-დამამზადებლის სავაჭრო ნიშანს;
3. ბრუტო და ნეტო მასას;
4. თარიღს-ნავთობპროდუქტების დამზადების თვე და წელი;
5. პარტიის ნომერს;
6. შენახვის ვადები;
7. სტანდარტის აღნიშვნას.

წარწერა(მარკირება) უნდა შეესაბამებოდეს სახელმწიფოთაშორისო სტანდარტს(ტექნიკური პირობა) მოთხოვნებს.

9. ხარისხი

9.1. საქონლის ტექნიკური მახასიათებლები და ხარისხი ერთდროულად უნდა შეესაბამებოდეს ამ ხელშეკრულებისა და შემსყიდველის მიერ განსაზღვრულ ტექნიკურ პირობებს, პარამეტრებს და წარმოდგენილ ნიმუშს (ასეთის არსებობის შემთხვევაში);

10. გარანტია

10.1 მოწოდებული პროდუქციის შენახვის ვადა მიღება-ჩაბარების აქტის გაფორმებისას უნდა იყოს გამოშვებიდან არანაკლებ 80%.

10.2 ამ ხელშეკრულებით განსაზღვრული საგარანტიო ვადის განმავლობაში, შემსყიდველის წარმომადგენლ(ებ)ის ან მოწვეული ექსპერტ(ებ)ის მიერ წუნის გამოვლენის შემთხვევაში, მიმწოდებელი ვალდებულია, შემსყიდველის მიერ განსაზღვრულ გონივრულ ვადაში მოახდინოს წუნდებული ნივთის შეცვლა ახლით. თუ მიმწოდებელი დადგენილ ვადაში არ შეცვლის წუნდებულ ნივთს, იგი ვალდებულია დაუბრუნოს შემსყიდველს გადახდილი თანხა, მოთხოვნიდან 5 სამუშაო დღის განმავლობაში.

10.3 საგარანტიო პირობებით განსაზღვრული მოთხოვნები, ძალაშია მთელი საგარანტიო ვადის განმავლობაში, მიუხედავად ხელშეკრულების მოქმედების ვადის ამოწურვისა;

10.4 საქონლის წუნში იგულისხმება უფლებრივი ან/და ნივთობრივი ნაკლი, ქარხნული წუნი, ნორმალური ექსპლუატაციის ან/და შენახვის პირობებში ხელშეკრულებით განსაზღვრული მახასიათებლების ან სხვა საექსპლუატაციო თვისებების დაკარგვა და ა.შ.

11. შესყიდვის ობიექტის მიღება-ჩაბარების წესი

11.1 მიმწოდებლის მიერ საქონლის გადაცემა და შემსყიდველის მიერ მისი მიღება დასტურდება ორივე მხარის უფლებამოსილი წარმომადგენლების (შემსყიდველის მხრიდან 7.1.1. პუნქტში მითითებული პირ(ებ)ის) მიერ ხელმოწერილი მიღება-ჩაბარების აქტით.

11.2 მიღება-ჩაბარების აქტის გაფორმების შემთხვევაში, საქონლის მიწოდების თარიღად ჩაითვლება შემსყიდველისთვის საქონლის დროებით შენახვაზე გაფორმებული მიღების აქტის თარიღი.

11.3. საქონლის დროებით შენახვაზე გაფორმებული მიღების აქტი არ წარმოადგენს საქონლის საბოლოოდ მიღების დამადასტურებელ დოკუმენტს და არ წარმოშობს ანგარიშსწორების ვალდებულებას.

11.4 შემსყიდველი (7.1.1 ქვეპუნქტში მითითებული პირები) უფლებამოსილია დროებით შენახვაზე მიღებული საქონლის ნიმუშ(ებ)ი, ხოლო პარტიებად მიწოდებულ საქონელზე, ყოველი პარტიიდან მიწოდებული საქონლის ნიმუშ(ებ)ი, ხელშეკრულების მოთხოვნებთან შესაბამისობის დადგენის მიზნით, საქონლის დროებით შენახვაზე მიღების აქტის გაფორმების შემდეგ გადააგზავნოს შესაბამის საექსპერტო დაწესებულებაში რის შესახებაც უნდა აცნობოს სახელმწიფო შესყიდვების დეპარტამენტს.

11.5 მიმწოდებელი უფლებამოსილია დროებით შენახვაზე შემსყიდველისათვის გადაცემული საქონლის ნიმუშ(ებ)ი, ხოლო პარტიებად მიწოდებულ საქონელზე, ყოველი პარტიიდან მიწოდებული საქონლის ნიმუშ(ებ)ი, ხელშეკრულების მოთხოვნებთან შესაბამისობის დაჩქარებული წესით დადგენის მიზნით, საქონლის დროებით შენახვაზე მიღების აქტის გაფორმებიდან 5 (ხუთი) სამუშაო დღის ვადაში წარადგინოს შემსყიდველთან (7.1.1 ქვეპუნქტში მითითებული პირები) შეთანხმებულ შესაბამის საექსპერტო დაწესებულებაში. ამ შემთხვევაში საქონლის ნიმუშ(ებ)ის ტრანსპორტირების და საექსპერტო კვლევის ხარჯებს იხდის მიმწოდებელი.

11.6 შემსყიდველი უფლებამოსილია, განაცხადოს უარი საქონლის ან მისი ნაწილის მიღებაზე და მათ ანაზღაურებაზე, თუ:

11.6.1 იგი უხარისხოა (მათ შორის ხელშეკრულებით გათვალისწინებული ხარისხის შეუსაბამო); ან/და

11.6.2 მიწოდებულია ხელშეკრულებაში ან/და მოთხოვნაში (შეკვეთაში) მითითებულ რაოდენობაზე მეტი ოდენობით (ნამეტის ფარგლებში); ან/და

11.6.3 მიწოდებულია ხელშეკრულებაში ან/და მოთხოვნაში (შეკვეთაში) მითითებულ რაოდენობაზე ნაკლები; ან/და.

11.6.4 სრული მოცულობით არ არის წარმოდგენილი ხელშეკრულებით გათვალისწინებული დოკუმენტაცია; ან/და

11.6.5 ხარვეზების გამოსწორება შეუძლებელია; ან/და

11.6.6 მიწოდებულია მიწოდების ვადის გასვლის შემდგომ; ან/და

11.6.7 კანონმდებლობით გათვალისწინებულ სხვა შემთხვევებში.

11.7. მიღება-ჩაბარების აქტის ხელმოწერამდე, ყველა ქონებრივი უფლება საქონელზე კუთვნის მიმწოდებელს და რისკები მისი შემთხვევით (მთლიანად ან ნაწილობრივ) დაღუპვაზე, გაფუჭებაზე ან სხვა ზიანზე ეკისრება მიმწოდებელს, ხოლო, მიღება-ჩაბარების აქტის ხელმოწერის მომენტიდან, აღნიშნული უფლებები და რისკები გადადის შემსყიდველზე.

11.8 საქონლის (მისი ნაწილის) მიღების და/ან საბოლოო შემოწმების შედეგად გამოვლენილი ნაკლი აღმოფხვრას საკუთარი ხარჯებით უზრუნველყოფს მიმწოდებელი.

11.9 მიმწოდებელი ვალდებულია, გადასცეს შემსყიდველს უფლებრივად და ნივთობრივად უნაკლო (ხელშეკრულებით გათვალისწინებული ხარისხის) საქონელი.

12. ხელშეკრულების შესრულების უზრუნველყოფის გარანტია

12.1 ხელშეკრულების შესრულების უზრუნველყოფის საბანკო გარანტია არ მოითხოვება.

13. უფლებების გადაცემა

13.1 დაუშვებელია მიმწოდებლის მიერ ხელშეკრულებით გათვალისწინებული უფლება-მოვალეობების მთლიანად ან ნაწილობრივ სხვა პირისთვის გადაცემა შემსყიდველის წინასწარი წერილობითი თანხმობის გარეშე.

14. ხელშეკრულების შესრულების შეფერხება

14.1 თუ ხელშეკრულების შესრულების პროცესში მხარეები წააწყდებიან რაიმე ხელშეშლელ გარემოებას, რომლის გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.

14.2 თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების შესახებ, ეს 3 გადაწყვეტილება უნდა გაფორმდეს ხელშეკრულებაში

ცვლილების შეტანის გზით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

15. ხელშეკრულებაში ცვლილებების შეტანა

15.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

15.2 თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

15.3 ნებისმიერი ცვლილება, რომელსაც მოჰყვება ხელშეკრულების ჯამური ღირებულების გაზრდა ან შემსყიდველისათვის პირობების გაუარესება დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

15.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

15.5 ხელშეკრულების პირობების ნებისმიერი ცვლილება უნდა გაფორმდეს ორმხრივად ხელმოწერილი წერილობითი დოკუმენტის შედგენით, რაც წარმოადგენს ხელშეკრულების განუყოფელ ნაწილს.

15.6 ხელშეკრულებაში დამატებების და/ან ცვლილებების შეტანის დოკუმენტს ხელს აწერენ მხარეთა უფლებამოსილი წარმომადგენლები.

16. ხელშეკრულების პირობების შეუსრულებლობა

16.1 მიმწოდებლის მიერ ამ ხელშეკრულებით გათვალისწინებული მოთხოვნების შეუსრულებლობის შემთხვევაში, მიმწოდებელს, წინასწარი შეტყობინების გარეშე, დაეკისრება შემსყიდველისათვის შემდეგი ოდენობის პირგასამტეხლოს გადახდა:

16.1.1 საქონლის მიუწოდებლობისათვის (მათ შორის ხელშეკრულებით განსაზღვრულ ვადაში, უხარისხო, არასრული მოცულობით, საჭირო დოკუმენტაციის გარეშე) მიუწოდებელი შესყიდვის ობიექტის ღირებულების 0,02% ყოველ ვადაგადაცილებულ დღეზე.

16.2 თუ მიმწოდებელს შემსყიდველისაგან მიღებული აქვს ავანსი და ამ ხელშეკრულებას ამოეწურა ვადა, მათ შორის შეწყდა ვადადღე, მაშინ მიმწოდებელი ვალდებულია ხელშეკრულების შეწყვეტიდან 10 დღის ვადაში დაუბრუნოს შემსყიდველს ავანსი (მიღება-ჩაბარების აქტით გაფორმებული და შესრულებული ნაწილის გამოკლებით);

16.3 თუ მიმწოდებელი 16.2. პუნქტის შესაბამისად არ დაუბრუნებს შემსყიდველს ავანსს, შემსყიდველი უფლებამოსილია განახორციელოს თავისი, როგორც საბანკო გარანტიის ბენეფიციარის უფლებები, კანონმდებლობით გათვალისწინებული წესით.

16.4 პირგასამტეხლოს დარიცხვის მიუხედავად, შემსყიდველი უფლებამოსილია:

16.4.1 ამ ხელშეკრულებით გათვალისწინებული პირობების დაცვით, შეწყვიტოს ან შეინარჩუნოს ეს ხელშეკრულება;

16.4.2 მიღება-ჩაბარების აქტი გააფორმოს საქონლის მხოლოდ იმ ნაწილზე, რომელიც შეესაბამება ამ ხელშეკრულებით განსაზღვრულ მოთხოვნებს, ხოლო საქონლის იმ ნაწილზე, რომელიც არ შეესაბამება ამ ხელშეკრულებით განსაზღვრულ მოთხოვნებს დაარიცხოს პირგასამტეხლო ამ მუხლის შესაბამისად;

16.5 შემსყიდველის მიერ შესყიდვის ობიექტის ღირებულების ხელშეკრულებით განსაზღვრულ ვადაში და პირობებით მიმწოდებლისათვის გადაუხდელობის შემთხვევაში, მიმწოდებელს უფლება აქვს დააკისროს შემსყიდველს პირგასამტეხლოს გადახდა, გადაუხდელი თანხის 0,02 %-ის ოდენობით ყოველ ვადაგადაცილებულ სამუშაო დღეზე.

16.6 დღეების მიხედვით დარიცხვადი პირგასამტეხლოს გადახდა არ ათავისუფლებს მხარეს ამ ხელშეკრულებიდან გამომდინარე ვალდებულებების შესრულებისგან.

16.7 დღეების მიხედვით დარიცხვადი პირგასამტეხლოს დარიცხვა წყდება მხარის მიერ ვალდებულების შესრულების შემდეგ ან ხელშეკრულების მოქმედების ვადის გასვლის შემდეგ ან ხელშეკრულების შეწყვეტის შემდეგ, იმის მიხედვით თუ ამ გარემოებებიდან რომელი უფრო ადრე დადგება.

16.8 ხელშეკრულების შეწყვეტის ან მოქმედების ვადის გასვლის შემთხვევაში, მიმწოდებლის მიერ ხელშეკრულების პირობების ნაწილობრივ (არაჯეროვნად) შესრულებისათვის, მიმწოდებელს დაეკისრება პირგასამტეხლო მიუწოდებელი შესყიდვის ობიექტის ღირებულების 10%-ის ოდენობით, ხოლო ხელშეკრულების პირობების შეუსრულებლობისათვის, მიმწოდებელს დაეკისრება პირგასამტეხლო ხელშეკრულების საერთო ღირებულების 20%-ის ოდენობით.

17. ხელშეკრულების შეწყვეტა

17.1 ეს ხელშეკრულება შეიძლება ვადადღე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად, თუ მეორე მხარე არ/ან არაჯეროვნად ასრულებს ნაკისრ ვალდებულებას, რის თაობაზეც ამ მეორე მხარეს წერილობით მიეცა გაფრთხილება და ამ დარღვევის გამოსასწორებლად მიეცა დამატებითი ვადა. ამასთან, დამატებითი ვადა შეიძლება არ მიეცეს, თუ აშკარაა, რომ მას შედეგი არ ექნება, ან ვალდებულების არ ან არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება, ასევე საქართველოს სამოქალაქო კოდექსით გათვალისწინებულ შემთხვევებში.

17.2 ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს:

ა) იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა და კანონის შესაბამისად უნდა შესრულდეს ხელშეკრულების შეწყვეტაქდან გამომდინარე ან/და მოთხოვნის უზრუნველყოფის

დამატებით საშუალებად გამოიყენება (ამ მოთხოვნის არსებობის პერიოდში);

ბ) ზიანის ანაზღაურების მოთხოვნის დაკმაყოფილების ვალდებულებისაგან (ზიანის არსებობის შემთხვევაში).

17.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

18. ფორს-მაჟორი

18.1 მხარეები თავისუფლდებიან პასუხისმგებლობისაგან ვალდებულებების სრული ან ნაწილობრივი შეუსრულებლობისათვის ფორს-მაჟორის შემთხვევაში, როდესაც ნაკისრი ვალდებულებების შესრულება შეუძლებელია;

18.2 ფორს-მაჟორში იგულისხმება გარემოება, რომელიც არ არსებობდა ამ ხელშეკრულების დადების მომენტისათვის და რომლის თავიდან აცილება მხარეს არ შეეძლო, კერძოდ, საომარი მდგომარეობა, საბრძოლო მოქმედება, წყალდიდობა, მიწისძვრა, ხანძარი, ავარია, გაფიცვა, ეპიდემია, ს ახაზინო სამსახურის მიერ შემსყიდველის მხრიდან თანხის გადახდის თაობაზე გაგზავნილი მოთხოვნის დაკმაყოფილების შეჩერება ან უარყოფა, საბიუჯეტო ასიგნების შემცირება და სხვა მსგავსი გარემოებები;

18.3 თუ ფორს-მაჟორის გამო შეუძლებელია ვალდებულების შესრულება, მიმწოდებელ ვალდებულია დაუყოვნებლივ, მაგრამ არაუგვიანეს 5 სამუშაო დღისა ფორს-მაჟორის დადგომიდან, აცნობოს შემსყიდველს ნაკისრი ვალდებულების შეუსრულებლობის შესახებ, სათანადო მიზეზების მითითებით. მოცემულ ვადაში შეუტყობინებლობის შემთხვევაში მიმწოდებელი კარგავს უფლებას დაეყრდნოს ფორს-მაჟორული გარემოების არსებობას, როგორც პასუხისმგებლობისაგან გათავისუფლების საფუძველს. ფორს-მაჟორის ფაქტი და მისი მიზეზ- შედეგობრივი კავშირი ვალდებულების შეუსრულებლობასთან უნდა დადასტურდეს დოკუმენტალურად;

18.4 ფორს-მაჟორის მიუხედავად მხარე, რომლისთვისაც ნაკისრი ვალდებულებების შესრულება შეუძლებელი ხდება, კეთილსინდისიერებისა და გონიერების ფარგლებში, მიმართავს ვალდებულების შესრულების ყველა შესაძლო ალტერნატიულ ხერხს;

18.5 თუ ფორს-მაჟორული მდგომარეობა 30 დღეზე მეტ ხანს გრძელდება, მხარეებს უფლება აქვთ ცალმხრივად შეწყვიტონ ხელშეკრულება;

19. სადაო საკითხების გადაწყვეტა

19.1 მხარეები თანხმდებიან, რომ მათ შორის ამ ხელშეკრულებასა ან მის განხორციელებასთან დაკავშირებული ნებისმიერი სადაო საკითხი მოლაპარაკებების მეშვეობით მოაგვარონ.

19.2 თუ სადაო საკითხი მოლაპარაკებით ვერ მოგვარდა, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს სასამართლოს საქართველოში.

20. გადასახადები და დაბეგვრა

20.1 მიმწოდებელი პასუხს აგებს საქართველოს კანონმდებლობით დადგენილი გადასახადების, ბეგარის, მოსაკრებლების და სხვა გადასახდელების გადახდაზე.

21. შეტყობინება

21.1 თუ ამ ხელშეკრულებით სხვა რამ არ არის გათვალისწინებული, მხარეთა შორის ამ ხელშეკრულების ფარგლებში ნებისმიერი ოფიციალური ურთიერთობა წარმოებს წერილობითი ფორმით და იგზავნება საფოსტო გზავნილის სახით ან მიეწოდება უშუალო ადგილსამყოფლის მიხედვით. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

21.2 შემსყიდველის მიერ შეტყობინება მიწოდებულად ითვლება იმ შემთხვევაშიც, თუ მან შეტყობინება გაგზავნა მიმწოდებლის ყოფილ მისამართზე, რომელიც მიმწოდებელმა შეცვალა, მაგრამ ამის თაობაზე არ აცნობა შემსყიდველს. ამ შემთხვევაში შეტყობინება მიწოდებულად ითვლება გაგზავნის მეორე სამუშაო დღეს.

22. სხვა პირობები

22.1 ხელშეკრულება ძალაში შედის საქართველოს თავდაცვის სამინისტროს მიერ ელექტრონული შტამპის დასმის დღიდან და მოქმედებს 2020 წლის 23 თებერვლის ჩათვლით.

22.2 ხელშეკრულების დანართ(ებ)ი წარმოადგენს წინამდებარე ხელშეკრულების განუყოფელ ნაწილს.

22.3 ყველა სხვა საკითხი რაც არ რეგულირდება ამ ხელშეკრულებით რეგულირდება საქართველოს კანონმდებლობით.

შემსყიდველის მხრიდან:

ლ. ფაიქიძე

სახელმწიფო შესყიდვების

დეპარტამენტის უფროსის

მოვალეობის შემსრულებელი

მიმწოდებლის მხრიდან:

ვ. გვარამე

შპს "ჯენტო ტრეიდიנגი" - ს

დირექტორი

დანართი №1							
N	დასახელება	მახასიათებელი	ზ/ე	რ-ბა	ერთ ფასი	სულ ფასი	ქვეყანა და ფირმა
1	ზეთი ტსზ-8.	TV 38.1011280-89- შესაბამისი სტანდარტის ტსზ-8 TV Y 23.2-36451680-153:2010	38	1,000	8.0712	8071.2	უკრაინა/ აგრინოლი
სულ ჯამი: (ლარი, დღგ)						8071.2	

შემსყიდველის მხრიდან:

ლ. ფაიქიძე

სახელმწიფო შესყიდვების

დეპარტამენტის უფროსის

მოვალეობის შემსრულებელი




მიმწოდებლის მხრიდან:

ვ. გვარამე

შპს "ჯენტო ტრედიინგი" - ს

დირექტორი



ООО «РУ НПП Агринол»
Строительная, Зап.
г. Бердянск, Запорожская область,
Украина. 71100
тел/факс +38 (06153) 60-600 (многоканальный)

ПАСПОРТ КАЧЕСТВА № _____ ОТ _____

Масло трансмиссионное Агринол ТСзп-8



ТУ У 23.2-36451680-153:2010 с изм. №1, 2
Гарантийный срок хранения - 5 лет со дня изготовления
Грузополучатель: _____

Название показателя	НОРМА	Фактически для партии №	Методы испытания
		5 05.2018	
1 Вязкость кинематическая при 100 °С, мм ² /с	7,5-8,5	7,89	ДСТУ ГОСТ 32
2 Индекс вязкости	140	150	ДСТУ ГОСТ 2537
3 Температура вспышки в открытом тигле, °С, не ниже	163	189	ГОСТ 4333
4 Температура застывания, °С, не выше	Минус 40	Минус 40	ГОСТ 20287
5 Цвет на колориметре ЦНТ, с разведением 15:85, единицы ЦНТ, не более	5,0	1,0	ГОСТ 20284 с доп. по п. 7.3.5 ТУ
6 Коррозионное воздействие на металлы	Выдерживает	Выдерживает	ГОСТ 2917 с доп. по п. 7.3.6 ТУ
7 Массовая доля серы, %, не менее	1,0	1,14	ГОСТ 1437
8 Массовая доля воды, %, не более	Следы	Отсутствие	ГОСТ 2477
9 Массовая доля механических примесей, %, не более	0,025	0,009	ГОСТ 6370
10 Плотность при 20 °С, кг/м ³ , не более	910	869	ГОСТ 3900
11 Трибологические характеристики на четырех шариковой машине трения при (20±5)°С: - нагрузка сваривания, Н, не менее - показатель износа при нагрузке 196 Н, не более	2450 0,5	2930 0,34	ГОСТ 9490

Заключение: продукт соответствует требованиям ТУ У 23.2-36451680-153:2010 с изм. №1, 2

Начальник ОТК _____

Т.В. Горбачева

Agrinol

შპს "რუ ნპპ აგრინოლ"

სტროიტელნაია, 3ა

ქ. ბერდიანსკი, ზაპოროჟსკის ოლქი,

უკრაინა, 71100

ტელ/ფაქსი: +38 (06153) 60-600 (მრავალრიცხოვანი)

ხარისხის პასპორტი # _____

ზეთი ტრანსმისიური Агринол ТСзп-8

ТУ У 23.2-36451680-153:2010 ცვლილ. #1,2

შენახვის საგარანტიო ვადა - დამზადებიდან 5 წელი
ტვირთის მიმღები: _____

მაჩვენებლების დასახელება	ნორმა	ფაქტიური პარტიისთვის #			გამოცდის მეთოდები
		122			
1. კინემატიკური სიბლანტე 100°C-ზე, მმ2/წ	7,5-8,5	11.2015 7,89			ДСТУ ГОСТ სახ. სტანდარტი 33
2. სიბლანტეს ინდექსი	140	150			ДСТУ ГОСТ სახ. სტანდარტი 25371
3. ანთების ტემპერატურა, რომელიც განისაზღვრება ღია ტიგელში, °C, არა ნაკლები	163	189			ГОСТ სახ. სტანდარტი 4333
4. გაცივების ტემპერატურა, °C არა უმეტეს	მინუს 40	მინუს 40			ГОСТ სახ. სტანდარტი 20287
5. ფერი კოლორიმეტრზე ИХТ, ИХТ ერთეული, არა უმეტეს	5,0	1,0			ГОСТ სახ. სტანდარტი 20284 ტპ დამ. პ. 7.3.5. მიხედვით
6. კოროზიული ზემოქმედება ლითონებზე	უძლებს	უძლებს			ГОСТ სახ. სტანდარტი 2917 ტპ დამ. პ. 7.3.6. მიხედვით
7. გოგირდის მასური წილი, % არა ნაკლებ	1,0	1,14			ГОСТ სახ. სტანდარტი 1437
8. წყლის მასური წილი, %, არა უმეტეს	კვალი	კარ არსებობს			ГОСТ სახ. სტანდარტი 2477
9. მექანიკური მინარევების მასური წილი % არა უმეტეს	0,0025	0,009			ГОСТ სახ. სტანდარტი 6370
10. სიმკვრივე 20°C -ზე, გ/სმ³ არა უმეტეს	910	869			ГОСТ სახ. სტანდარტი 3900
11. ტრიბოლოგიური მახასიათებლები ხახუნის ოთხბურთიან მანქანაზე (25±5)°C-ზე: - შედუღების დატვირთვა H, არა ნაკლებ - ცვეთის მაჩვენებელი დატვირთვისას 196H არა	2450 0,5	596 1930 0,34			ГОСТ სახ. სტანდარტი 9490


უმეტეს

დასკვნა: პროდუქტი შეესაბამება TY Y 23.2-36451680-153:2010 ცვლილ. #1,2

მოთხოვნებს

ტექნიკური კონტროლის განყოფილების უფროსი ხელმოწერილია/ზექედდასმულია ტ.ვ. გორნაჩოვა

თაყაიშვილი: ანა სერგეიშვილი



სანოტარო მოქმედების
რეგისტრაციის ნომერი

N160719496

სანოტარო მოქმედების
რეგისტრაციის თარიღი
სანოტარო მოქმედების
დასახელება

01.07.2016 წ

ნოტარიუსი

დოკუმენტის თარგმანზე დიპლომირებული
მთარგმნელის ხელმოწერის დამოწმება

სანოტარო ბიუროს მისამართი

ნინო ხოფერია

სანოტარო ბიუროს ტელეფონი


ქ. თბილისი, რუსთაველის გამზ. 28/2

სანოტარო მოქმედების

+995 32 2 98 70 24

ინდივიდუალური ნომერი

72573538511916



[Handwritten signature]

სანოტარო მოქმედებისა და სანოტარო აქტის შესახებ ინფორმაციის (მისი შექმნის, შეცვლის და/ან გაუქმების შესახებ) მიღება-გადამოწმება შეგიძლიათ საქართველოს ნოტარიუსთა პალატის ვებ-გვერდზე: www.notary.ge ასევე შეგიძლიათ დარეკოთ ტელეფონზე: +995(32) 2 66 19 18


მე, მარიამ გოგვაძე, ნოტარიუსი ნინო ხოფერიას შემცველი პირი, რომლის სანოტარო ბიურო მდებარეობს მისამართზე: საქართველო, ქ. თბილისი, რუსთაველის ქ. № 28/2, ვადასტურებ უმაღლესი განათლების დიპლომის მქონე მთარგმნელის, ნინო სალთხუციშვილის, დაბადებული 1973 წელს, პ/მ 01014004711, მცხოვრებ: ქ. თბილისი, ჩოლოყაშვილის ქ. 1 კორპ. ბინა 27, ხელმოწერის სინამდვილეს.

მთარგმნელი გაფრთხილებულია, რომ პასუხს აგებს თარგმანის სიზუსტეზე და იგი იძლევა თარგმანის სისწორის გარანტიას.

დოკუმენტი შედგენილია ერთ ეგზემპლარად.

გადახდილია საზღაური სულ 4.36 (ოთხი ლარი ოცდათექვსმეტი თეთრი) ლარი, თანახმად სანოტარო მოქმედებათა შესრულებისათვის საზღაურის შესახებ მთაწმინდის დადგენილების მუხლი 31 პ.3 აგრეთვე დღგ თანახმად საქართველოს საგადასახადო კოდექსის 169-ე მუხლისა და 2 (ორი) ლარი დღგ-ს მქონე სანოტარო მოქმედებათა შესრულებისათვის საზღაურის შესახებ 39-ე პ.1 მუხლის შესაბამისად.

ნოტარიუსის შემცველი პირი



[Handwritten signature]

მარიამ გოგვაძე

საფუძველი:

საქართველოს თავდაცვის სამინისტროს 2019 წლის სახელმწიფო შესყიდვების გეგმა.

წინამდებარე ხელშეკრულების გაფორმების პროცესში ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნას და ინტერესთა კონფლიქტში არ ვიმყოფებით.

ვიზირებულია:



ვ. ლუდუშაური

საქართველოს თავდაცვის სამინისტროს
სახელმწიფო შესყიდვების დეპარტამენტის
უფროსის მოადგილე

ვიზირებულია:



ლ. გულედანი

საქართველოს თავდაცვის სამინისტროს
ფინანსების მართვის დეპარტამენტის
უფროსის მოვალეობის შემსრულებელი


ვიზირებულია:



გ. ხაინდრაძე

საქართველოს თავდაცვის სამინისტროს
სახელმწიფო შესყიდვების დეპარტამენტის
ელექტრონული შესყიდვების
სამმართველოს უფროსი


ვიზირებულია:



გ. იაგორაშვილი

საქართველოს თავდაცვის სამინისტროს
სახელმწიფო შესყიდვების დეპარტამენტის
ელექტრონული შესყიდვების
სამმართველოს უფროსის მოადგილე

მოამზადა:



ივ. არჯვენიშვილი

საქართველოს თავდაცვის სამინისტროს
სახელმწიფო შესყიდვების დეპარტამენტის
ელექტრონული შესყიდვების
სამმართველოს მთავარი სპეციალისტი

შესრულდა: საქართველოს თავდაცვის სამინისტროს სახელმწიფო შესყიდვების დეპარტამენტში